

Manmin nga mga Balita

NUMERO 15 PEBRERO 5, 2012

Katawhan gikan sa 95 ka mga Nasod Nagpa Miyembro sa Manmin

Ang Manmin Central Church nangandam para sa Sanggang Simbahan sa Colombia, para mag-atiman sa mga Miyembro didto

Ang gidaghanon sa mga bag-ong nagparehistro sa website sa simbahan, www.manmin.org, nagka daghan.

Ang Manmin Central Church naay opisyal nga website sa pito ka sinultian apil na ang English, yano og tradisyonal nga Chinese, Japanese, French, Spanish og Russian. Sa maong website mahimong magparehistro aron mahimong miyembro sa Manmin. Og pinaagi niining maong sistema mga katawhan gikan sa 95 ka mga kanasoran nagparehistro sugod pa niadtong 2006. Mga nasod sama sa USA, Canada, Brazil, Panama, Moldova, Romania, Denmark, Myanmar, Saudi Arabia, Oman, Turkey, Kuwait, Botswana, Tunisia, og Australia.

Bisan pa og walay sanga nga simbahan sa Colombia, ginatos sa mga katawhan didto ang nagparehistro sa Manmin Central Church og mao nga gipangandaman ang pag-abli og sangang simbahan ngadto sa Bogotan, Kapital sa Colombia.

Daghan ang mga katawhan nga napanalinginan pinaagi sa website, GCN TV (Global Christian Network, www.gcntv.org), mga libro ni Dr. Jaerock Lee, *Balita sa Manmin* mga sermon ni Dr. Lee og mga panghimatuud. Daghan kanila ang nangutana sa simbahan kon



unsaon nila pagka miyembro.

Pastor Hose Leonardo sa Valenzuela. Nagparehistro sa internet niingon, "Nakadawat ako og dakong grasya pinaagi sa DVD nga naglakip sa sermon sa Senyor Pastor. Ako kining gipaambit sa akong simbahan." Siya kinasingkasing nagpasalamat. Alkuiin Bajef sa Russia niingon, "Nagpaminaw ko sa sermon ni Dr. Lee kada simana. Nagparestro ako isip miyembro sa

Manmin para motubo pa ang akong pagtoo."

Si Francis taga Kenya, niingon "nagparehistro ko sa Manmin kay human sa akong pagtan-aw sa mga programa sa TV og Internet natandog kaayo ako sa ilang pagpangalagad." Karon nagtambong na siya sa Nairobi Holiness Manmin Church. Labot pa nagkadaghan matag adlaw ang prayer request nila ngadto sa Senyor Pastor nga si Dr.


Jaerock Lee. Kini makapa hinuklog nato kon unsa ang posisyon sa simbahan nganhi sa kalibotan.

Karong 2012, ang Manmin Central Church mohimo sa pagtuman sa pag sabwag sa ebanghelyo sa daling panahon pinaagi sa mabutihong lihok sa Espiritu Santo sa dako og kahibulongan nga gahum sa Diyos.

Ang pagsimba sa Manmin Central Church makita pinaagi sa

GCN TV, mao nga ang manan-aw sa tibuok kalibutan magkadungan sa pagsimba. (Tan-awa sa pahina 3) Ang mga mensahe ni Dr. Lee hinubad ngadto sa English, Japanese, Chinese, French, Spanish, Mongolian, og Tagalog. Dugang sa panghimatuud nga kaayuhan, ang gamhanang lihok sa Diyos og ang taas nga kalidad sa kristohanong kultura gipakita pinaagi sa pagdayeg og pagsayaw, og kini gisibya usab.

“Nisulod Ako sa Kookmin Bank isip Pinakabata nga Trabahante”



Igsoon Ye-eun Kim
(1st Youth Mission)

Sa Korea ang pagkakulang sa trabaho ni sulbong bisan gani ang mga edukado dismayadong makatrabaho. Apan aniay usa ka batan-ong babaye nga nakatrabaho sa Kookmin Bank isip usa ka batang empleyado. Siya si Ye-eun Kim. Naa ma distino sa Gwanghwamun branch. Oktobre 2011 nisulod siya sa trabaho sa edad nga 17. Ni sugod sa trabaho nga siya ang pinaka bata sa tanang empleyado sa Kookmin Bank.

“Niingon ang mga trabahante nga ang among branch maoy pinakanindot nga lugar nga trabahoan. Ang akong esturya gibalita pinaagi sa mga mantalaan sama sa *Joong-ang Ilbo*. Salamat sa Diyos.”

Sa High School pa siya, iyang nadawat ang 14 ka propisyonal certificates apil na ang first class computerized accounting certificates. Dako siya nga niabot og 80 ka

kilo, apan karon niubos na kini sa 50 kilos nalang. Siya niingon nga iyang kining nakabot ang tanan tungod sa grasya og gugma sa Diyos.

“Human sa tulo ka tuig nga kaminyon ang akong inahan nagmabdos nako tungod sa mga pag-ampo ni Senyor Pastor Dr. Jaerock Lee. Magpatulo sa luha nga moingon sa mga estudyante nga dili magpabuling-buling sa kalibutanhong hilig og magpakabana sa mga buluhaton isip estudyante. Natandog kaayo ako sa iyang gugma nga maoy hinungdan sa akong pagpaningkamot og tuon og matinguhaon sa akong kristohanong kinabuhi.”

Siya karon gustong mahimo nga branch manager. Kami manghinaut nga ang grasya sa Ginoo maga uban kaniya sa tanang higayon.



Hulagway'ng Balita



“Among Gihugugma ang Panahon nga Kami Nag Tuon sa Bibliya”

Enero 8, ang mga magtutudlo sa Children Sunday School nagsugod sa unang Bible Class sa 2012 gamit ang libro nga “Children Who Pursue True Blessing” Vol. 2 nga gimantala basi sa libro ni Dr. Lee “A Man Who Pursues True Blessing.”

Han'ay sa "The Message of the Cross" - (13)



Senyor Pastor Dr. Jaerock Lee

Ang Paglansang sa Krus (1)

-Ang Kaalam sa Diyos nga ma Diskobrian diha sa mga Saput ni Hesus-

"Tapos si Hesus ikalansang sa mga sundalo didto sa krus, gikuha nila ang iyang saput og gibahin sa upat, usa ka bahin sa matag sundalo. Gikuha usab nila ang iyang bisti nga taas nga walay tinahian. Ang mga sundalo nag-ingnanay, 'Dili nato kini gision, magripa hinuon kita kon kinsay makapanag-iyu niini'. Nahitabo kini aron matuman ang bahin sa kasulatan nga nag-ingon; 'Gibahinbahin nila ang akong saput og giripahan nila ang akong bisti'". (Juan 19:23-24).

Para maluwas ang tanang katawhan nga mga makasasala, si Hesus nianhi sa kalibutan, nag-antos sa grabing paglutus, gilansang sa krus, nabanhaw, nikonsad sa langit. Mao nga kon si kinsa katong motoo kang Hesus nga mao ang atong Manluluwas makadawat sa awtoridad isip anak sa Diyos.

Ang dugang pagsabot sa mga pag-antos ni Hesus og sa mga katuyuan ini, makahimo kanato sa pagtugkad sa lawum nga gugma sa Diyos og makatabang kanato sa pagpanglimbasog sa atong kinabuhing Kristohanon.

Ngano nga si Hesus nagpakaubos hangtud gani nga siya gihuboan atobangan sa daghang katawhan, og unsa ang pagpangandam sa Diyos sa saput og bisti ni Hesus?

1. Si Hesus Gihukasan apan Siya ni Lungtad sa mga Pagpakaulaw Kaniya aron lang sa Paglukat sa mga Makasasala sa ilang Kauwaw.

Gipas-an ni Hesus ang krus hangtud ngadto sa Golgota, nga mao ang dapit nga lansangan niya. Pag-abot niya didto gikuha sa mga sundalo ang iyang saput og bisti og gilansang siya sa Krus nga hubo. Si Hesus nga bugtong Anak Sa Diyos, gipugos og gipakaulawan lamang sa mga ubos nga binuhat.

Para sa unsang rason nga si Hesus gipakaubos? Siya nilungtad sa mga pagpahiubos og sa mga kaulaw nga ato untang maantos. Si Hesus nga walay sala nag-antos sa mga pagbiaybiay og pagtamay nga unta paga-antosan sa mga makasasala.

Hugaw pa sa hugaw og labaw pa sa walay dungog, mao ang sala. Kadaghanan sa katawhan karon nagpuyo taliwala sa sala, og nagkagrabi kini. Bisan pa, sama sa kahayag nga mo dan-ag sa kangitngit, kung ang Pulong sa Diyos, nga mao ang kahayag, modan'ag sa atong dughan, ang tanan nga makaulaw nga sala dinhi kanato makita.

Ang katawhan nga natumog sa kahugaw aning kalibutana og nagpuyo sa sala dili makapangahas sa pagtan'aw sa ilang salawayon nga kasingkasing og buhat, nga diin ila unyang barogan atubangansa Diyos sa panahon nga tinghusga.

Sa dili pa, si Hesus nilukat kanato sa atong mga kasal-anan nilungtad sa mga pagpakaulaw, og si kinsa katong nitoo ani

makalingkawas sa kaulaw. Mao nga, ang matag usa kanato magpasalamat sa gugma sa atong Ginoo sa tibuok kasingkasing og mangandam sa pag gaku Kaniya nga walay buling pinaagi sa pagpangusog nga makatuman sa hingpit nga pagkabalaan.

2. Ang Kaalam sa Diyos sa Pagbahinbahin sa mga Sundalo sa Iyang Saput og ang Pagripa sa Iyang Bisti.

Human sa pagkuha sa iyang saput og bisti, gibahinbahin sa mga sundalo ang iyang saput ngadto sa upat. Wala nila putla ang bisti ni Hesus kay kini "walay tinahian" ila hinuon kining giripahan og usa sa mga sundalo ang nakaangkon ini (Juan 19:23-24). Mao ang propisiya, "Ilang gibahinbahin ang akong saput og giripahan nila ang akong bisti" (Salmo 22:18) natuman.

Ang rason nganong atong makita ang insaktong detalye sa saput og bisti ni Hesus diha sa Bibliya tungod kay ang iyang saput og bisti nagtima'ilhan sa kasaysayan sa Israel. Una, ang saput ni Hesus – ang Anak sa Diyos og hari sa Israel – sa espirituwal nagrepresenta sa nasod sa Israel og katawhan. Sa dihang ang Iyang saput nabahin sa upat, ang porma sa saput nawala og panapton nalang ang nahabilin. Kini nagtimaan nga ang Israel ma gun'ob, mawagtang ang iyang dungog isip hataas nga nasod, og ang pira-pirasong panapton mao nalang ang nahabilin sa saput ni Hesus, nagtudlo nga ang "katawhan nalang sa Israel" ang mahabilin.

Ang mga Romanong sundalo nagbahin sa saput ni Hesus, kini naglarawan kon unsaon nila paglumpag ang nasod sa Israel, og ang ilang pagpikas-pikas sa iyang saput ngadto sa upat, nagkahulugan sa pagkatibulaag sa katawhan sa Israel ngadto sa upat ka direksyon – amihan, habagatan, silangan og kasadpan. Makita sa propisiya ni Hesus sa, Lucas 19:43-44 "kay moabot ang mga adlaw nga libotan ka sa imong mga kaaway, alihan, og atakihon ka nila sa tanang dapit. Gub-on ka sa hingpit og pamatyon ang mga tawo nga nagpuyo diha kanimo. Og walay usa ka bato nga ibilin nila kay wala nimo ilha ang panahon nga mianhi ang Diyos aron pagluwas kanimo"

Tukma sa propisiya, niadtong 70 A.D., ang siyudad sa Herusalem gilumpag sa mga

Romano panahon ni Heneral Titus. Sama sa giingon ni Hesus "walay usa ka bato nga ibilin", ang Herusalem na gun'ob. Sobra sa milyon ka mga Hudeyo ang gipamatay, og ang mga nahabiling buhi nagkatibulaag ngadto sa tanang direksyon og gibiyabiay sa mga Hentil.

Ang pinaka mabangis nga hitabo sa mga Hudeyo mao ang sistematik nga pagpamatay pinasubay sa kamandoan sa mga Nazi panahon sa "World War 11". Sobra sa 6-milyones ang gipamatay gipanghuboan tungod lang kay sila mga Hudeyo. Grabe og daghan kaayo ang mga nangamatay, kini usa sa tunglo sa ilang mga katigulangan sa ilang pagpatay ni Hesus, nga ilang hari.

Sa ilang pagpasakit ni Hesus, si Ponsyo Pilato, ang gobernador niadtong panahona, nakahibalo nga si Hesus inosente mao nga iya untang gipugngan ang pagpapatay ni Hesus. Apan ang mga Hudeyo mapugsanon sa kamatayon ni Hesus, mao nga si Ponsyo Pilato niingon kanila, "wala akoy labot sa dugo aning tawhana! Inyo kining gusto!" (Mateo 27:24). Og ang mga Hudeyo nitubag, "kami og ang among mga anak maoy dat-ogi sa silot sa iyang dugo!" (Mateo 27:25). Gipatuman nila ang tanan og nadawat sa mga Hudeyo ang bayad tukma sa ilang mga kagustuhan, sila nagpakabuhin sa brutal nga kasaysayan. Kining tanan mao ang ilhanan sa pagbahin-bahin sa mga sundalong Romano sa saput ni Hesus sa upat ka parti.

Sunod, ang bisti ni Hesus nga "walay tinahian" – "usa ka pirasong tibuok". Dinhi ang bisti nagpasabot sa kasingkasing sa tawo. Ang bisti ni Hesus nga hari sa Israel nagsimbolo sa kasingkasing sa umaabot nga panahon sa Israel og nagpakita sa ilang pagtoo sa Diyos.

Si Jacob ang pinili sa Diyos. Giusab mismo sa Diyos ang iyang ngalan, gihimog "Israel" og gihimo ang 12-ka tribu sa Israel gikan sa iyang mga anak. Sa dugay'ng panahon, ang mga Israelita managsama, dili makigmenyo sa babaye o sa lalake sa ubang nasod, og nagsilbi lamang sa Diyos.

Atol sa paghari ni Rehoboam anak ni Solomon, ang civil nga gubat sa Israel na tunga sa, Israel nga amihan og Judea sa habagatan. Ang mga tawo sa amihang parti sa Israel nagsugod og pangamenyo sa mga tawo sa laing nasod. Ang mga tawo nalang sa

Judea sa habagatang parti ang nagpabiling kaliwatan ni Israel kay sila nalang ang wala mangamenyo sa laing nasod nga dili mga Israelita. Tungod niini og hangtod karon, ang kaliwatan sa Israel mao ang gitawag og "katawhan sa Judea" o mga Hudeyo.

Sama sa bisti ni Hesus "nga tibuok", ang mga Hudeyo dugay'ng nagpabilin nga managsama, sugod pa sa ilang katigulangan nga si Jacob. Mao kini nganong wala gisia sa mga sundalo ang bisti ni Hesus og kini espirituhanong nagsimbolo sa kasingkasing sa mga Hudeyo ngadto sa ilang Diyos, nga dili matunga og walay si bisan kinsang tawo nga makalumpag niini. Napakyas sila sa pagguba sa pagtoo sa mga Israelita. Bisan human sa pagka gun'ob sa Herusalem og bisan pa sa ilang mga kalisdanan og mga pag-antos sa tanang sulok sa kalibutan sulod sa hapit mo duha ka millinial, ang mga Hudeyo wala motalikod sa ilang pagkasala, og niadtong Mayo 14, 1948 nibalik sila sa yuta sa ilang katigulangan og nagtukod sa ilang pagka independente.

Mao kini ang katumanan sa propisiya sa Izequiel 38:8-12. Nga nag-ingon kanato "Sa katapusang katuigan, moadto ka sa yuta nga natukod pagusab human sa mga kagubot". Ang uban nga katawhan dinhi sa kalibutan nagmatinud-anon sa ilang nasod, giampingan ang ilang pagtoo, og mitukod pagbalik human sa duha ka libong tuig nga na gun'ob ang ilang nasod. Apan ang kasingkasing og pagtoo nga nasunod sa katawhan sa Israel sa ilang apuhan nga si Jacob sobra pa niana kalig'on, og ang pagpatunhay sa bisti ni Hesus maoy nagpadayag sa maog kasaysayan.

Mga igsoon ko diha ni kristo, ang tanan diha sa Bibliya, sugod sa pagkahugno sa Herusalem, og ang pag-antos sa mga Hudeyo ngadto sa pagkaguba og sa pagbangon sa Israel nahisulat og natuman. Ang mga butang nga wala pa mahitabo mao ang mga kalihukan nga umaabot pa lamang, usa na diha ang pagbalik sa atong Ginoo, sa dili na madugay og dad-on kita ngadto sa langit.

Maayo unta nga ang tagsa-tagsa kaninyo per ming magmata, mo human sa pagpangandam isip pangasaw-onon sa Ginoo, og magmalipayon nga mo gaku Kaniya anang adlaw, sa ngalan sa atong Ginoong Hesu Kristo ako naga-ampo!

Ang Pagsibya sa GCN, Nagdala sa Gugma sa Diyos sa Tibuok Kalibutan!


Ang pagsibya sa GCN nahimo lamang aron maisabwag ang himaya sa Diyos Trinidad og ang pag ebanghelyo sa tibuok kalibutan pinasubay sa kabubut-on sa Diyos. Naay daghan nga mga bag-ong pamaagi karon sa pag sibya sama sa Social Network Services og mga sistema nga dali ipaabot, nga maoy naghimong mabuyohon sa serbisyo sa pagsibya.

Hapit na matapos ang tanan nga diin ang sala og kangitngit labaw pa ka mapatuyangon panahon sa Sodom og Gomorrah.

Ang mga kristianos mobarog unta nga isip kahayag og asin sa kalibutan, nga mo hatod sa ibanghelyo bisan pa ngadto sa kinasuokang bahin sa kalibutan. Og mangandam sa ika-duhang pagbalik sa Ginoo. Para sa pagtuman ang pagpangalagad sa pagsibya gikinahanglan kaayo. Sa panahon nga sama niini ang GCN TV magsabwag sa Pulong sa Diyos, sa gugma ni Hesu Kristo, og sa madilaabong lihok sa Espiritu Santo ngadto sa tibuok kalibutan.

KINUTLO SA INTERBYO

“Ang GCN TV naay dakong panglantaw para maihatud ang gugma ni Hesu Kristo og ang pagdasig sa ebanghelyo. Nagtoo ako nga mahimo nila kini. Pinaagi sa GCN TV, daghang katawhan ang nakahibalo kon kinsa si Hesu Kristo og sila nakaangkon sa tinuod nga kinabuhi pinaagi sa pagtoo sa lyang ngalan.”




Dr. Frank Wright, Presidente sa NRB (National Religious Broadcasters)



“Mga programa sa GCN TV og mga mensahe ni Dr. Jaerock Lee makatandog sa kasingkasing sa mga nanan-aw og nagtudlo sa klaro og sayon kon unsaon pagpakabuhing matarong alang sa Ginoo. Pinaagi ni Dr. Lee ang ebanghelyo ni Hesu Kristo naisabwag sa kalibutan.”

Igor Nikitin, Presidente sa Russia RBN Rodnoy og TBN Russia




“Natandog ako og nahagit sa GCN TV nga nagpadako sa gingharian sa Ginoo pinaagi aning maanindot nga sistema sa pagsibya og sa maayong teknolohiya. Malipayon akong nagtrabaho uban sa GCN TV. Dako kaayo kining grasya para kanamo.”

Rosalva Rodriguez De Lincoln, Presidente sa Enlance TBN Colombia



“Daghang manan-aw didto sa Pondicherry, India nga nakadawat og mga panalangin pinaagi sa wali ni Dr. Lee. Ang tanang programa sa GCN TV dako kaayo og gikatabang sa pagtubo sa pagtoo sa mga magtotoo. Ako nag-ampo sa Diyos nga ang programa sa GCN TV maipakita sa tibuok India.”

Abraham Vincent, Presidente sa Arul Vaakku GCN TV, India



Ang State of Broadcasting karon

Enero, 2000, among gisugdan ang GCN TV pinaagi sa pagtoo lamang. Karon, nitubo na ang paghatod sa ebanghelyo ngadto sa tibuok kalibutan, og nahimong mahinungdanong parti sa pagsibya ang pagpahiluna sa network pinaagi sa inila nga mga magsisibya og press media sulod og gawas sa Korea. Ang Pulong nga puno sa kinabuhi og ang gamhanang lihok gi proklama sa GCN TV, og kini nahimong gamhanan tungod dili maihap ang mga nanan-aw nga naka-eksperyensiya sa gugma og gahum sa Diyos, naresolbar ang mga problema, og na tugkad ang tinuod nga balor sa kinabuhi pinaagi sa ilang programa. Gigamitan kini sa “HD Technology”, nagkadaiyang hilisgutan, og ang taas nga kalidad sa programa ginasisyab sa sobra 170 ka mga kanasuran pinaagi sa pakigtinabangay sa uban pang mga magsisibya sa kalibutan. Mga sulat sa pasalamat og hangyo para sa pag-ampo nagbaha ngadto sa estasyonan.

Ang Panglantaw

Ang tuyo og tumong sa GCN TV mao ang mahimong “Christian TV station” nga mo giya sa tanang nasod ngadto ni Hesu Kristo. Mopadako kini sa broadcasting domain og sa media flatform para nga ang manan-aw gikan sa tanang nasod makakita sa programa sa GCN sa tanang higayon sa tanang dapit. Human sa pagsud’ong ang GCN motukod og network nga mo konek sa kinatibuk-an og mopaduol sa mga manan-away sa nagkalain-laing pagpanibya lakip na sa mobile phones, Internet, cable tv og satellite telebisyon. Ang programa pagahubaron sa daghang sinultian para nga ang local nga residente klarong makasabot sa Pulong sa kinabuhi og dasig nga manan-aw sa gamhanang lihok. Dugang pa, ang GCN broadcasting makighiusa sa Christian TV station og sa mga sangang simbahan, aron madali ang proseso para sa global parish.

Mga Sangay ng Ministeryo ng Manmin sa Pilipinas

Manila Manmin Holiness Church

441 Patato St, J-Figuera
Sampaloc, Manila, Philippines
Pastor Peter Bae
Pastor Lucy Lee
2-735-1423

Bataan Manmin Holiness Church

067 Daang Bago, Dinalupihan,
Bataan, Philippines
Pastor Peter Bae
Pastor Lucy Lee
0910-262-5465

Isabela Manmin Holiness Church

Purok 3, Brgy, San Roque, San
Mateo, Isabela, Philippines
Pastor Peter Bae
Pastor Lucy Lee
0905-649-1120

Cavite Manmin Holiness Church

5 Lot 33 Bk 1, Canutuhan (tenant),
Santiago Gen.Trias, Cavite, Philippines
Pastor Sharon Cho
046-850-3193 /
0916-674-3903 /
0905-319-8191

Imus Manmin Holiness Church

Blue Bell St. Plaridel III Sub.
Bayan Luma 7, Imus Cavite,
Philippines
Pastor Jubeom Kim
0927-311-7633

Cebu Manmin Holiness Church


LOT N. 402 - B-4
Looc Along Side The Canjulao
Road, Lapu-Lapu City Cebu,
Philippines
Pastor Rossetta Sung
0921-635-7595

Davao Manmin Holiness Church

301 Ilang Ilang St. Flores
Village, Bangkal, Davao City,
Philippines
Pastor Kathryn Kim
0908-635-2714

Maanindot nga Wali ang Nakatandog sa Spanish-Speaking nga mga KalagAng mga Mensahe Niusab sa Akong Kinabuhi

Magulang Aldo Enrico Guido-Spano Amoretti (Peru Manmin Church)



“Disyembre 2004, Si Dr. Lee naghimo sa Peru Healing Crusade Sa Lima, kapital sa Peru. Ang krusada nagtanum og liso sa pagkabalaan sa ebanghelyo sa Peru Karon ang daghang bunga natawo Sa Peru Manmin Church Og pinaagi usab sa programa sa Enlace TV.”

Nag-usik ako og kwarta sa kinabuhi nga walay pulus og nalingaw sa pagsigig inom sa dihang nagtrabaho pa ako isip usa ka diplomat. Niritiro ko tuig 1992. Human sa tulo ka tuig gidawat nako ang Ginoo, apan walay kausaban sa akong kinabuhi.

Samtang nitambong ako sa krusada ni Dr. Jaerock Lee sa Peru

Usa ka adlaw, kahibulongan nga kausaban ang niabot kanako. Nakatrabaho ako isip tigbadbad para sa mga tawo nga gikan sa Eastern country og nakadungog mahitungod sa pagpangalagad ni Dr. Jaerock Lee, Senyor Pastor sa Manmin Central Church. Akong nahibaw-an nga sila diay mga trabahante sa simbahan og may misyon trip hangtud ngadto sa Peru.

Disyembre 2004, ang kaayuhang krusada ni Dr. Jaerock Lee gihimo didto sa Lima, capital sa Peru. Na saksihan nako nga ang mga buta nakakita. Og daghang katawhan nakadawat sa ilang kaayuhan gikan sa nagkalaing-laing sakit apil na ang AIDS og kanser. Nakita nako nga gipanglabay sa mga bakol ang ilang mga wheelchairs og sungkod, nanglakaw og nangambak sila.

Nakaangkon ako og tinuod nga pagtoo pinaagi sa pagkabalaan sa ebanghelyo



Sugod ato nagsugod ako pagbadbad sa mga wali ni Pastor Lazarus J. Lee nga mao ang nangalagad sa Peru Manmin Church isip misyonaryo sa Manmin Central Church. Ang iyang mga mensahe nagdala sa giladmong espirituhanong pasabot. Matud pa niya iya kining nakat-unan gikan ni Senyor Pastor nga si Dr. Jaerock Lee. Ako og ang akong pamilya maminaw sa mensahe matag simana og nagsugod pagkausab ang among kinabuhi.

Ang among espirituhanong pagtoo dali nga nitubo pinaagi sa mensahe mahitungod sa “human cultivation”, “measure of faith”, “sanctification” og ang kalainan sa “Hesus” og “Hesu Kristo” og usab ang sekretong tinaguan bisan sa wala pa ang panahon.

Sa katapusan akong naangkon ang tinuod nga pagtoo inubanan sa buhat. Ang Pulong sa Diyos sama sa kaalam nga atong ampingan.

Nakadawat ako og mga panalangin sa akong pag-apil sa publikasyon og sa pagpangalagad sa pagsibya

Sa samang panahon nga nagsugod ako paghubad sa mga libro ni Dr. Jaerock Lee, sama sa “*The Message of the Cross*” og “*The Measure of Faith*” sa Spanish. Ang nakapahibulong pa kay nakaapil ako sa pagdagnay sa wali ni Dr. Lee nga ipakita sa Enlace TV nga mao ang nag-unang Kristiyanos nga telebisyon sa Latin Amerika. Karon nakabadbad na ako og

mga 500 ka sesyon sa iyang mga wali.

Nagtoo ako nga kining akong gipangbuhat importante kaayo para maisabwag ang pagkabalaan sa ebanghelyo ngadto sa kinasuokang parti sa kalibutan.

Karon ang mga wali ni Dr. Lee naikatag na sa Latin nga kanasoran og sa mga tawo nga Spanish ang sinultian, sa tibuok kalibutan. Og sa U.S. ang iyang mga wali nakatag na usab.

Nakadawat ako og daghang kahibulongang mga panalangin sugod nga nagbadbad ako sa mga wali ni Dr. Lee. Nagmauswagon ang akong kinabuhi og ang akong mga tumong nausab.

Nagmatinud-anon akong mohatud sa insaktong kabubuton sa Diyos nga nahilakip diha sa iyang mensahe og ang pagpadayag sa gugma ni Dr. Lee para sa mga kalag. Nankingamot ko pag-ayo. Bisn og dili ko kasabot og Kinoryano, gitabangan ako sa Diyos sa pagsabot sa dughan ni Dr. Lee. Pinaagi niini, akong labaw’ng na kuptan ang Pulong sa Diyos og nasabtan ang Iyang kabubut-on og kasingkasing.

Ang akong pamilya napanalanginan kay sila matinud-anong nagtrabaho sa gingharian sa Diyos, sa panglantaw sa Bag-o nga Herusalem

Naay miyembro nagpuyo sa Quito, capital sa Ecuador, nibisita sa Peru Manmin Church. Tungod nakadawat siya og mga grasya, moabot na siya permi sa Peru sa iyang kaugalingo’ng gasto. Niingon nga wala pa siya makapaminaw og sama ani ka tin-aw nga ebanghelyo og siya nipakita sa iyang pasalamat nga siya nakaangkon og tinuod nga pagtoo pinaagi sa mga mensahe. Tinuod nga grasya kon kita makakat-on sa saktong Pulong sa Diyos.

Nakita nako karon ang ganting langitnon. Gusto kong mahimong balaan og mokugi sa pagka kristohanong kinabuhi para akong maabot ang pinaka nindot nga puloy-anang lugar labaw sa tanan ang Bag-o nga Herusalem. Karon dako ako sa “Finance Department” og “Planning Department” sa simbahan og tighubad usab sa mga wali ni Dr. Lee.

Ang akong asawa “District Leader” og Deaconesa. Siya matinud-anong nagtrabaho.

Ako magpasalamat og maghimaya sa Diyos Amahan nga iya akong gitugutan sa pagkahibalo sa Iyang gugma og sa Ginoo, og nagtugot usab kanako sa pag-ila sa giya nga agak nako sa dalan sa Bag-o nga Herusalem si, Dr. Jaerock Lee.

The Confession of Faith

1. Manmin Central Church believes that the Bible is God-breathed Word that is perfect and flawless.
2. Manmin Central Church believes in the unity and the work of God the Trinity: God the Holy Father, God the Holy Son, and God the Holy Spirit.
3. Manmin Central Church believes that we are forgiven of our sins only by the redeeming blood of Jesus Christ.
4. Manmin Central Church believes in the resurrection and ascension of

5. Jesus Christ, His Second Advent, the Millennium, and the eternal heaven.
 5. Members of Manmin Central Church confess their faith through “The Apostles’ Creed” each time they come together and believe in its content verbatim.
- “[God] Himself gives to all people life and breath and all things.” (Acts 17:25)
 “And there is salvation in no one else; for there is no other name under heaven that has been given among men by which we must be saved.” (Acts 4:12)

Manmin Balita

Published by Manmin Central Church

235-3 Guro-3dong, Guro-gu, Seoul, Korea (postal code 152-848)
 Tel: 82-2-818-7047 Fax: 82-2-818-7048
 http://www.manmin.org/english
 e-mail: manminministry@hotmail.com

Publisher: Jaerock Lee
 Managing Editor: Geumsun Vin

Bisayan